



ENCIK ADIB

# Arahan potong gaji Adib patuh

MELAKA, Selasa —  
Ketua Menteri Encik  
Mohd Adib Haji Mohd.  
Adam berkata, beliau  
akan mematuhi  
sebarang arahan dari  
Perdana Menteri,  
Datuk Seri Dr.  
Mahathir Mohamed  
mengenai pemotongan  
gaji.

Beliau berkata,  
Kerajaan-kerajaan  
Negeri dan  
Persekutuan adalah di  
bawah Barisan  
Nasional dan beliau  
akan mematuhi  
arahan-arahan dari  
para pemimpinnya.

Encik Mohd. Adib  
berkata demikian  
sewaktu mengulas  
mengenai peng-  
umuman Datuk Seri  
Dr. Mahathir baru-  
baru ini bahawa beliau  
dan Timbalannya,  
Datuk Musa Hitam  
sedang mengkaji  
kemungkinan mengu-  
rangkan gaji-gaji dan  
caun-caun Menteri-  
menteri, Timbalan-  
timbalan Menteri dan  
Setiausaha-setiausaha  
Parlimen.

Sementara itu sewaktu  
melawat ke tapak  
Masjid Negeri di Bukit  
Palah di sini pagi tadi,  
Encik Mohd. Adib  
berkata, kerja-kerja  
meratakan tanah  
masjid negeri  
berharga \$15 juta akan  
dimulakan tahun  
depan.

Beliau memberitahu  
masjid negeri itu  
apabila siap kelak  
boleh menempatkan  
seramai kira-kira  
10,000 orang.

Pengambilan tanah bagi  
negeri tersebut  
dijangka menelan  
belanja \$1.1 juta.